



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Apologia Oder Verantwortung D. Vvolffgangi Peristeri,  
wider seine Widersacher vnd Verfolger/ Nemlich/ die  
Prediger zu Wismar**

**Peristerus, Wolfgang**

**[Erscheinungsort nicht ermittelbar]**

**VD16 T 210**

5. Der Fünffte/ Das das Vater vnser der rechte Segen vnd Benedicite sey.  
Jst zufinden/ K. 3 a.

**urn:nbn:de:hbz:466:1-36664**

Apologia D.  
Der Fünffte Irthumb.

Das das Vater vnser der rechte Segen vnd  
Benedicite sey.

Ist zu finden / A. 3. a.

**W**EIL E WIDERSACHER können ire art / die  
Schrift zu erfelschen nicht lassen. Meine  
Wort die lauten also. Das Vater vnser aber /  
wenn wir ja eigentlich vnd gründlich darvon reden wol  
len / ist an jm selbs der rechte Segen vnd das rechte Bes  
nedicite / das wir noch heutiges Tages vber vnd neben  
dem Sacrament sprechen vnd gebrauchen können oder  
mögen / denn dasselbige ist ein Gebet / darin wir nicht  
alleine für die Leibliche / sondern auch für die Geistliche  
vnd der Seelen Speise / Nemlich des Worts vnd der  
Sacramenten bitten. HÆC Ego.

Vnd ist meine Meynung / wie daselbs ferner angezei  
get vnd ausgefuret wird / auch hievor vnd vnlangst  
gedacht / das / weil Christi Gebet vns nicht geoffenbar  
ret ist / vnd man gleichwol bey den Sacramenten Gott  
bey den anruffen / beten / loben vnd dancken sol. Als sol vnd mus  
Sacra man das heilige Vater vnser / welches vns Christus selb  
menten ber sonsten geleret vnd allezeit zu beten befohlen hat /  
sol vnd mit herglicher Andacht bey der Administration beten /  
mus mā wie denn auch (Gott lob) in vnsern vnd allen wolre for  
beten. nierten Kirchen geschicht. Ich thue aber auch daselbs  
vnd in offgemelten meinem Buch den Bericht / das  
man darumb auff die Gedancken nicht gerhaten solt /  
Vnser als solte derhalben auch das Vater vnser etwa eine bes  
Betten sondere wirkliche Krafft / das Sacrament zu machen /  
mache an sich habe / in keinem Wege / vnd so wenig / als sonsten  
Ein Sa auch die Wort der Lynsetzung / die wir sprechen / vns  
eramēt. sers Sprechens halb die Krafft haben / sondern Chris  
tus hat es durch sein Allmechtiges vnd krefftiges sege  
ren

## Wolffgangi Persterns.

nen vnd Wort sprechen einmal gemacht vnd verordnet/ vnd vermöge derselbigen Ersten vnd anfenglichen Verordnung/ Gebets vnd Worts/ so ist vnd bleibet das hochwirdige Sacrament/ so lange die Welt stehet/ vnd das Sacrament gehalten wird/ in seinen Wirken/ Krafft vnd Macht. Wie denn auch hievor schon erkleret ist worden.

Richtet jr nu selbs/ lieben Christen/ ob das ein Irthumb sey/ das ich schreibe/ sage vnd lere/ das das heilige Vater vnser/ eigentlich/ eigentlich/ sage vnd schreibe ich/ darvon zu reden/ an jm selbs der rechte Segen vnd das rechte Benedicite sey/ das wir noch heutiges Tages an vnd vber dem hochwirdigen Sacrament beten können oder mögen/ ja sollen vnd müssen/ Sincemal man bey allen Sacramenten beten sol/ vnd vns das Gebet Christi nicht offenbaret ist worden. Vnd gleiches wol Christus selbs vber diesem Sacrament gesegnet oder gebenediet/ Das ist/ Gebetet vnd gedancket hat.

### Der Sechste Irthumb.

Das die Erste Erzelung der Wort Christi nur historischer Weise geschehe.

Dieser Irthumb ist/ J. 4. a.

**D**IESE Meynung kan vnd mag auch mit Grund der Wahrheit für keinen Irthumb geschehet werden/ wenn auch gleich meine Widersacher vnd Feinde/ alle hellische Geister zu Rath vnd zu Hilfe nemen/ Sincemal doch die Series Narrationis oder die Ordnung der Historia/ wie sie von den Euangelisten beschrieben/ vnd nachmals von S. Paulo widerholt ist worden/ da für vnsern Augen stehet/ vnd in vnseren Ohren klinget/ darin sein ordenlich vnd nach einander erzelet wird/ wie Christus der Herr solch sein Abend

Historica series Narratio.